



**Vun frieher un heit for Bensmer Leit
Bergsträßer Anzeigebblatt 09.06.1950**



De Bensmer Joahrmaikd vun frieher

3. Fortsetzung



Glei iwwer de Middelbrick woarn die Griesemer Zwewwelschdend. Däs woare Befiehle un Bedaschde, e Raussuche un Reduurwürfe, e Geschnagger unen Dischbudd, daß mer soi aije Wort net veschdanne hot. Hunnerde vun Weibsliehdend hääwwe doo an deene Zwewwelhaufe rummgewiehl, un rummgeworschdel, daß die Zwewwelschoale nor sou inde Lufd rummgeflooge sinn. Die Dickschde un Härtschde hot mer rausgesucht, de Noachberin aus de Hand gerobbd un oft genunk sinn doodebei sou zwaa Weibsliehd hinnenanner kumme, dasse uffenanner lous sinn, wie zwaa Hinkel wäjeme Maikääwwer. — Die waasche Zwewwel hot mer meer nix deer nix mitsamt de Schlodde uffs Blaschder geschmesse un mer hot oachdbasse misse, daß mer kaani ande Kobb kriecht hot. Es woar lääwensgefährlich, wammer doo webei gange is, weil mer alleridd hot ausglitsche kenne. — Un där Zwewweldufd? Moine Härrn! Die Leit inde Vorschdadt sinn ausem Groine goar net mäih rauskumme.

E Schdick weirer unne, am Metzjer Blechner anne woar de Dibbemaikd. Die Dieboijer un die Urweracher hääwwe doo uff Schdrouh ehr Woar feilgeborre. Vun dem ärdne Kroom hääwwe uns am meischde die „Guggugg“ inträssiert. Wammer deene hinne am Schwanz noigebloose hot, hots vorn „Guggugg“ gemoachd. Die woarn awwer deier un es hot glei Schäärwie gääwwe, wammerse mool richdig uffgeschdumbt hot. Doo woarn die „Schritzbixe“ doch woas annerschd. Die hots uffde Seit gäjeniwwer gääwwe. Vuns Noschdadte bis zum klaane Miller woarn neemlich die Holzsache uffgeschdellet. Doo bot mer Weschbidde kaafe kenne un helzerne Schdallaamer, Zowwer un Bodderfässer, Weljerhelzer un Nuudelbräärer un Gott waaß woas noch foren Deiwelskroom. Awwer iwwer all dem hot uns die Schritzbix geschdanne. Soue Schritzbix woar äbbes, wuu jeerem Buu soi Härz drou gehanke hot. Mit sou aaner hot mer zwaa Meerer weit schbritze kenne un beim Feierwehrchersschbeele woarse unser Feierschbritz.

Schießbuude woarn aa als doo, awwer doodrou simmer schdolz webeigange. De Middelpunkt vum ganze Joahrmaikd woar for uns joo doch de Schbidoalplatz. Freilich hots veel Ribbeschdäiß oabgesetzt, bis mer sich doich die Menschemaß doichgeschlengelt, doichgezwend un doichgeschdumbd gehadde hot. Awwer es hot sich wäiklich velohnt. Dann dort woar alles zammedrengd, woas souen Bensmer Joahrmaikd vun frieher inde ganz Umgäjend bekannt un beriehmd gemoachd hot.

Glei vorne hots Zäld vunde Riesedaam geschdanne. Wie mir hiekumme sinn, is groad en Schwung Leit rauskumme. Die hääwwe all gegrinst, gelacht un dischkeriert, daß mer draus hot schließe kenne, dasse mit de Vorschdellung zefreere woarn. Doo hot aa schon en Mann mirreme Frack un Zylinder uffem Podium geschdanne un hot doichen grouße Blächdricher in die Menschemaß noigeruufe: „Hereinspaziert meine Herrschaften! Das muß man gesehen haben, da muß man hineingetreten sein! Hier ist zu sehen die große Riesendame! Drei

normale Herren oder Damen müssen sich zusammentun, um ihren Körperumfang zu erreichen! Schon im dritten Jahre war die Mutter des Kindes nicht im stande, dasselbe auf den Armen zu tragen, da es zu schwer wurde. Im achten Jahre mußte es die Schule verlassen, da es in den Schulbänken keinen Platz mehr fand. Jetzt ist die Kleine achtzehn Jahre alt und wiegt zur Zeit zweihundertfünfundachzig Pfund. Be—e—trachtet man sich das Füßchen“ — doodebei horrer en Schdrumb mit Heekelschbize in die Häih gehoolte — „dann wird man sich sagen, dies gehört einem normalen Menschen! Aber betrachtet man sich die Waden“ — doodebei horrer den Schdrumb inde Midd sou weit ausenanner gezooge, daß mer gemaant hot, er hett en weiße Mählsack inde Hand — „da wird man sich sagen müssen, so etwas war noch nicht da, das ist pyramidal, das ist exzentrik, das ist kolossal! Bitte treten Sie näher, meine Herrschaften, einmaliger Eintritt zwanzig Pfennige! Kinder und Chargen zahlen die Hälfte! Genieren Sie sich nicht! Das muß man gesehen haben, da muß man hineingetreten sein!“ — „Hallo!“ hots uns zuugeruufe un wie mer hiegeguggd häwwe, woars de Fritz, där wuu groad aus de Vorschdellung raus kumme woar. „Doo mißter noi!“ horrer gesoat „Ehr liewe Leit un Kinner! Sou äbbes? Naa, mer solls net glaawe, dasses sou äbbes gitt!“ Er hot orndlich geschnauft, wieer weirervezählt hot. „Soue drumm Mensch! Gäiht noi, Ehr lacht Eich kapudd! Gäje die is unser Mouk dehaam de roinschde Gaasbock!“ — — „Nix wie noi!“ hot de Kall gesoat. „Die wärd mool beaageschoinigt!“ — Wie mer noikumme sinn, häwwemer unsern Aage net getraut. Doo hot die Riesedaam uff zwaa Schdiehl gehockt un hot geschnauft wie e Dambwalz. Am meischde uffgefalle sinn uns die Baa mit deene rout weiß geringelde Schdrimb, wiese frieher inde Moode woarn. „Woart, mer zähle mool die route Ringel!“ hot de Kall uns zuugepischbert un hot oufange ze zähle. Wieer uff zwaaundreißig kumme woar, hot die Riesedaam die Baa iwwernannergeschloae un de Kall hot nimmäh weirer zähle kenne. Es Hiegugge woarn mer ball mied. Doodefoor häwwemer mirrerer grouße Fasaanefärer, wuu mer unnerwäks gefunne häwwe e Määdche, däs wuu vor uns gehockt hot, inde Anke gekitzelt. Am Oufang hotse schoins geglaabt, es weer e Hoar vun ehre Näsched un hot e poar mool hinner sich gegreffe. Uff aamool hotse awwer die Färer vewischd, hot sich rumgedreht un ausgerächend dem Jaggebel, där wuu goar nix gemoachd hot, aa zwische die Herner gewichst. Im Aageblick woars ganze Zäld in Uffruhr. Alles hot geschennt un uff uns gedrosche, Gott sei dank hot die Riesedaam net uffschdeie kenne, sunschd weer nix mäih vun uns iwwrig blewwe. Awwer geschennt un gekeift hotse un ehr Mailche is gange wie e Schwärtche. Se muß aus Bayern gewäst soi, weilse immer mit ehre diefe Stdimm nor mit „aani runnerlaatschen“, „Saulackel“ un sunschd sou deitliche Ausdruck um sich geschmesse hot. Där Kärl im Frack un Cylinner is roigerennt kumme, hot uns vewischd un schnäller wie mer hoi waarn, woarn mer wirrer draus. — „Däs woar mool en Roifall“ hot de Kall gesoat, moachd nix, jetz wärd doch mool in die Menascherie noigemoachd“. Es Gäld häwwemer vum Schorsch soim Unkel kriecht, där wuu am Schpidoalplatz gewohnt hot. „Doo schdinkts awwer!“ Däs woar unser ärschd Wort. Un obs geschdunke hot! Läiwe un Tieger sinn die gräischde Schdinkbeidel. Doodebei nennt mer de Läib „de Keenig“ vunde Diern un inde Schuul häwwemer schun geläärnt, daß de Tieger „Keenigstieger“ genennt wärd. Vun dem keenigliche Geruch woar bei alle zwaa nix ze mäike, die wuu doo in däre Menascherie ze sähe woarn. Doo hot mer noch Panther sähe kenne un Jaguaare, Hyeene un Bäärn un Gott waaß woas noch sunschd for auslennisch Veehzeik. Aa e Krokedill hot ineme lange Kaschde geläje un e Rieseschlang, die wuu in Dicher gewickelt woar, weilse unser Klima net hot vetroae kenne. Die Hauptsach woarn awwer for uns die Affe. Wie dann däs schläächde Kallche bei poar unner deene Ehnlicheite mit Bensmer Leit entdeckt hot, doo woars ganz aus. Mer sinn vun dem Affekewwig goar net mäih wäkgange. Ich will die Noome net nenne, die wuu doo gefalle sinn. Ehr Kinner und Enkelchin kennte

mers iwwel nemme, wann ichen souzesoe vorwärfe deet, dass, wenigstens em Aageschoi noach, doch vum Affe oabschdamme deen. De Hauptaff, en Schimbans woar aa ze beaageschoinige. Er hot inerer Eck geschdanne un woar ausgeschdobbd. Den missese schun oik rum geschdumbd hoawwe. An soim Bauch woar die Nohd uffgange un es Hai hot rausgeguggd. „Gaih fort, mer gaih raus!“ häwewemer uns gäjeseitig zugepischbert wie unser Lehrer mit soiner Fraa roikumme is. Där hett uns en elledge bodaanische Vortroag gehoolte un hett net ehnder geruht, bisser soi ganz Weisheit bei uns ande Mann gebroachd hett. Doodezu woarn mer awwer net uffgeleggd. Mer wollte joo heit goar nix läärne. Rumschdroomern wollte mer un meeglichst veel sähe un erlääwe. „Raus aus de Kardoffel, noi in die Kadoffel!“ Un mer sinn ins Panoptikum zammenoi gemoachd.

Doich runde Fenschder an´rer Wand
hot mer gesähe doo de Brand
Vun dem Bariser Obernhaus,
Die Kreenung vum Färschd Nikolaus,
Nabollion uff Sankt Helena,
De Massedoud doich Kolera.
De Suldaan goar aus de Däikei
Die Kaiserkreenung von Versai,
Es Aerdbewe vun Lissabonn. — — —
Wie mer nor all däs mache kann!
Die Peterskäich, de Kelner Doom
Un dann noch dausend annern Kroom.
Die Schlacht bei Sedan, ganz naträll,
En Eskimo im Renndierfäll,
Aa uffde Zar e Addendaad,
Susanna nääwedrou im Bad,
Zeletschd en Bäik wuu Feier schbeit.
Hot doo gewesse mer de Leit. — — —
Vebei woar aller Uutz un Schbott,
Weils uns sou gut gefoalle hot.

Fortsetzung folgt jst